



# Sagl-y y koambã ti b puuse, ti b sã n wa tar yuum a yopoe, la y pãb-ba Puusgã yĩnga ti b sã n wa yaa yuum piig koamba, la y welg-b ne taab suka, gãasẽ wã

Yii a ‘Amr [bn Šu‘ayb nengẽ, ti yii a baabã nengẽ, ti yii a yaab nengẽ: a yeelame: Wënd Tën-ntuumã, (Wënd puusg la A tigr be a yĩnga) yeelame: «Sagl-y y koambã ti b puuse, ti b sã n wa tar yuum a yopoe, la y pãb-ba Puusgã yĩnga ti b sã n wa yaa yuum piig koamba, la y welg-b ne taab suka, gãasẽ wã».

[Hasanun (be neere)] [A Abuu Daawuud n togs-a]

Nabiyaamã (Wënd puusg la A tigr be a yĩnga) vënegdame n wilgdẽ, ti zaoo ne baaba t'a sagl a koambã -roaop la pagba- ti b puuse, b yuumã sën wat n ta yopoe, la a wilg-ba bũmb ning sën tar tulsem ne-a sën na n yals ne Puusgã. La b sën wat n ta yuum piiga, yellã paasdame, rënd b pãbd-b lame b sã n maan n kuug a pugẽ, la b welg-b taaba pĩ-gãagẽ wã.

<https://sunnah.global/hadeeth/mos/show/5272>

